

卷七

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖兮玄黃判離太極既殊是生兩儀星辰煥列日月
 重規兮動以尊地靜以卑尋明迭炤或盈或虧陰陽協
 氣下兮謝寒暑隨時而推移三才殊性五行異位千變
 萬化兮育庶類授之以形稟之以氣色表文采聲有音
 律應兮無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷七
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300

東洋文化研究所漢籍目錄所藏漢籍善本全文影像資料庫 索書號: 大木-集部-總集類-3

漢籍善本全文影像資料庫文本廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

跼而歛步蛟夔尼而失穴至江籬兮始秀或杜衡兮初
 滋桂含香兮作葉藕生蓮兮吐絲俯金波兮百丈見碧
 沙兮來往霧蓋蓋兮半出雲雜錯兮飛上石炤爛兮各
 色峯近遠兮異象及迴風之搖蕙天潭潭而下露木蕭
 梢而可哀草林離而欲暮夜燈光之寥迥歷隱憂而不
 去心湯湯而誰告魄寂寂而何語情枯槁而不反神飜
 覆而亡據夫以雄才不世之主猶儲精於沛鄉奇略獨
 出之君尚婉戀於樊陽潘去洛而掩涕陸出吳而增傷
 況北州之賤士為炎土之流人共魍魎而相偶與蠨蛸
 而為鄰秋露下兮點劍舄青苔生兮綴衣巾步庭蕪兮
 多蒿棘顧左右兮絕親賓憂而填骨思兮亂神願歸靈
 於上國雖珂軻而不惜身

廣文選卷之六

廣文選卷第七

明通議大夫都察院右副都御史大庾劉節廣

哀傷

悼李夫人賦

漢武帝

美連娟以脩嫫兮命櫟絕而不長飭新宮以延貯兮泯
 不歸乎故鄉慘鬱鬱其蕪穢兮隱處幽而懷傷釋輿馬
 於山椒兮奄脩夜之不陽秋氣憺以淒淚兮桂枝落而
 銷亡神榮氣以遙思兮精浮游而出壘託沈陰以曠又
 兮惜蕃華之未央念窮極之不還兮惟幼眇之相羊函
 菱揆以俟風兮芳雜襲以彌章酌容與以猗靡兮縹飄
 姚虞兪莊燕淫行而撫楹兮連流視而娥揚既激感而
 心逐兮包紅顏而弗明驩接狎以離別兮宵寤夢之芒

芒忽遷化而不反兮魄放逸以飛揚何靈魂之紛紛兮
哀裴回以躊躇執路日以遠兮遂荒忽而辭去超乃西
征屑兮不見寢滛敞荒寂兮無音思無流波怛兮在心
亂曰佳俠函光隕朱榮兮嫉妬關竝將安程兮方時隆
盛年天傷兮弟子增欵洿沫悵兮悲愁於邑暄不可止
兮嚮不虛應亦云已兮嫖妍大息嘆稚子兮園慄不言
倚所恃兮仁者不誓豈約親兮既往不來申以信兮去
彼昭昭就冥冥兮既下新宮不復故庭兮嗚呼哀哉想
魂靈兮

哀二世賦

司馬長卿

登陂陁之長阪兮全入曾宮之嵯峨臨曲江之墮州兮
望南山之參差巖巖深山之澼澼兮通谷豁乎吟兮日
滅輟以來逝兮註平臯之廣衍觀衆極之蒼葦兮覽竹
林之榛榛東馳土山兮比揭石瀨弭節容與兮歷弔二
世持身不謹兮亡國失勢信讒不寤兮宗廟滅絕嗚呼
操行之不得墓蕪穢而不修兮 魂亡歸而不食

遂初賦

劉子駿

遂初賦者劉歆所作也歆少通詩書能屬文成帝召為
黃門侍郎中壘校尉侍中奉車都尉光祿大夫歆好左
氏春秋欲立於學官時諸儒不聽歆乃移書太常博士
責讓深切為朝廷大臣非疾求出補吏為河內太守又
以宗室不宜典三河徙五原太守是時朝政已多失矣
歆以論議見排擯志竟不得之官經歷故晉之域感今
思古遂作斯賦以歎往事而寄已意

昔遂初之顯祿兮遭閭闔之開通蹠二台而上征兮入
北辰之紫宮侍列宿於鈎陳兮擁太常之樞極總六龍
於駟房兮奉華蓋於帝側惟太階之侈閣兮機衡爲之
難運懼魁杓之前後兮遂隆集於河濱遭陽侯之豐沛
兮乘素波以聊戾得玄武之嘉兆兮守五原之烽燧二
乘駕而旣俟僕夫期而在涂馳大行之嚴防兮入天井
之喬關歷崗岑以升降兮馬龍騰以起攄舞雙駟以優
遊兮濟黎侯之舊居心滌蕩以慕遠兮迴高都而北征
劇疆秦之暴虐兮弔趙括於長平好周文之嘉德兮躬
尊賢而下士駕四馬而觀風兮慶辛甲於長子哀衰周
之失權兮數辱而莫扶執孫蒯于也留兮救王師於余
吾過下虜而歎息兮悲平公之作臺背宗周而不卹兮

苟偷樂而惰怠枝葉落而不省兮公族聞其無人曰不
俊而愈甚兮政委棄於家門載約屨而正朝服兮降皮
弁以爲履寶礫石於廟堂兮面隋和而不眡始建衰而
造亂兮公室由此遂卑憐後君之寄寓兮唁靖公之銅
鞮越侯田而長驅兮釋叔向之飛患悅善人之有救兮
勞祁奚於太原何叔子之好直兮爲群邪之所惡賴祁
子之一言兮幾不免乎徂落震美不必爲偶兮時有羞
而不相及雖韞寶而求價兮嗟千載其焉合昔仲尼之
淑聖兮竟隘窮乎蔡陳彼屈原之貞專兮卒放沉於湘
淵何方直之難容兮柳下黜而三辱蘧瑗抑而再犇兮
豈材知之不足揚蛾眉而見妬兮固醜女之情也曲木
惡直繩兮亦小人之誠也以夫子之博觀兮何此道之

必然空下時而矐世兮自命已之取患悲積習之生常
兮固明智之所別叔群旣在阜隸兮六卿興而爲桀荀
寅肆而顛恣兮吉射叛而擅兵憎人臣之若茲兮責趙
鞅於晉陽軼中國之都邑兮登句注以陵厲歷鴈門而
入雲中兮超絕轍而遠逝濟臨沃而遙思兮垂意乎邊
都野蕭條以寥廓兮陵谷錯以盤紆飄寂寥以荒昫兮
沙埃起而杳冥迴風育其飄忽兮迴颭颭之泠泠薄涸
凍之疑滯兮第谿谷之清涼漂積雪之皚皚兮涉凝露
之隆霜揚霄霰之復陸兮慨原泉之凌陰激沅斯之滂
淚兮窺九淵之潛林颭悽愴以慘怛兮慄風寥以冽寒
獸望浪以穴窺兮鳥脇翼之浚浚山蕭瑟以鷓鳴兮樹
木壞而哇吟地坼裂而憤忽急兮石捌破之崑崑天烈
烈以厲高兮廖瑋窻以梟宰鴈邕邕以遲遲兮野觀鳴
而嘈嘈望亭隧之皦皦兮飛旗幟之翩翩回百里之無
家兮路脩遠之綿綿於是勒障塞而固守兮奮武靈之
精誠攄趙奢之策慮兮威謀完乎金城外折衝以無虞
兮內撫民以未寧旣邕容以自得兮唯惕懼於竺寒攸
潛温之玄室兮滌濁穢於太清反情素於寂寞兮居華
體之冥冥玩書琴以條暢兮考性命之變態運四時而
覽陰陽兮總萬物之珍恠雖窮天地之極變兮曾何足
乎留意長恬淡以懽娛兮固賢聖之所喜亂曰 處幽
潛德舍聖神兮抱竒內光自得真兮寵幸浮寄竒無常
兮寄之去留亦何傷兮大人之度品物齊兮舍位之過
忽若遺兮求位得位固其常兮守信保已比老彭兮

悼騷賦

梁叔敬

彼仲尼之佐魯兮先嚴斷而後弘衍雖離讒以鳴邑兮
卒暴誅於兩觀殷伊周之協德兮暨太甲而俱寧豈齊
量其幾微兮徒信己以榮名雖吞刃以奉命兮扶目眦
於門閭吳荒萌其已殖兮可信顏於王廬圖往鏡來兮
關北在篇君名旣泯沒兮後辟亦然屈平濯德兮潔顯
芬香句踐罪種兮越嗣不長重耳忽推兮六卿卒強趙
殞鳴犢兮秦人入疆樂毅奔趙兮燕亦是喪武安賜命
兮昭以不王蒙宗不幸兮長平顛荒范父乞身兮楚項
不昌何爾生不先後兮惟洪勛以遐邁服荔裳如朱紱
兮騁鸞路於犇瀨歷蒼梧之崇丘兮宗虞氏之俊又臨
衣瀆之神林兮東勅職於蓬碣祖聖道而垂典兮衷忠
孝以爲珍旣匡救而不得兮必殞命而後仁惟賈傅其
違指兮何楊生之欺真彼皇麟之高舉兮熙太清之悠
悠臨岷川以愴恨兮指丹海以爲期

九愁賦

曹子建

嗟離思之難忘心慘毒而含傷哀踐有畿之末境越引
領之徘徊捲浮雲以太息顧攀登而無階匪徇榮而愉
樂信舊都之可懷恨時王之謬聽受奸枉之虛辭揚天
威以臨下忽放臣而不疑登高陵而反顧心懷愁而荒
悴念先寵之旣隆哀後事之不遂雖危亡之不豫亮無
遠君之心刈桂蘭而秣馬舍余車於西林願接翼於歸
鴻嗟高飛而莫攀因流景而寄言響一絕而不還傷時
俗之趨險獨悵望而長愁感龍鸞而匿跡如吾身之不

留竄江介之曠野獨眇眇而汎舟思孤客之可悲愍予
身之翱翔豈天監之孔明將時運之無常謂內思而自
策筭乃昔之愆殃以忠言而見黜信毋負於時王俗參
差而不齊豈毀譽之可同兢昏瞽以營私害予身之奉
公共朋黨而妬賢俾予濟乎長江嗟大化之移易悲性
命之攸遭愁慊慊而繼懷惟慘慘而情晚曠年歲而不
回長去君乎悠遠御飛龍之蜿蜒揚翠電之華旌絕紫
霄而高鶩飄弭節於天庭披輕雲而下觀覽九土之殊
形顧南郢之邦壤咸蕪穢而倚傾駘盤桓而思服仰御
驥以悲鳴紆予袂而收涕僕夫感以失聲履先生之正
路豈淫逕之可遵知犯君之招咎耻干媚而求親顧旋
復之無軌長自棄於遐濱與麋鹿以爲群宿林藪之歲
秦野蕭條而極望曠千里而無人民生期於必死何自
苦以終身寧作清水之沉泥不爲濁路之飛塵踐蹊隧
之危阻登岩堯之高岑見失群之離獸覲偏棲之孤禽
懷憤激以切痛苦回忍之在心愁戚戚其無爲遊綠林
而逍遙臨白水以悲嘯猿驚聽而失條亮無怨而棄逐
乃余行之所招

弔秦始皇賦

傅休奕

余治獄至長安觀乎阿房而弔始皇曰傷秦政之爲暴
棄仁義以自亡搦紙申辭以弔始皇有姬失統命不干
常六國旣平奄有萬方政雷刑酷如火之揚致周章之
百萬取發掘於項王疲斯民乎宮墓甚矣辛於夏商未
旋踵而爲墟屯麀麀乎廟堂國旣顛而莫扶孰阻兵之

為強

哀江南賦

庾子山

粵以戊辰之年建亥之月大盜移國金陵瓦解余乃竄
身荒谷公私塗炭華陽奔命有去無歸中興道銷窮于
甲戌三日哭於都亭三年囚於別館天道周星物極必
反傳燹之但悲身世無處求生袁安之每念王室自然
流涕昔桓君山之志士杜元凱之平生並有著書咸能
自序潘岳之文彩始述家風陸機之詞賦先陳世德信
年始二毛卽逢喪亂貌是流離至於暮齒燕歌遠別悲
不自勝楚老相逢泣將何及畏南山之雨忽踐秦庭讓
東海之濱遂食周粟下亭漂泊高橋羈旅楚歌非取樂
之方魯酒無忘憂之用追為此賦聊以記言不無危苦

之詞唯以悲哀為主日暮途遠人間何世將軍一

載書橫階捧珠盤而不定鐘儀君子入就南冠之囚季

孫行人留守西河之館申包胥之頓地碎之以首蔡威

公之淚盡加之以血釣臺移柳非玉關之可望華亭鶴

唳非河橋之可聞孫策以天下為三分衆纔一旅項藉

用江東之子弟人唯八千遂乃分裂山河宰割天下豈

有百萬義師一朝卷甲芟夷斬伐如草木焉江淮無涯

岸之阻亭壁無藩籬之固頭會箕斂者合從締交鋤耨

棘矜者因利乘便將非江表王氣終於三百年乎是知

併吞六合不免軼道之災混一車書無救平陽之禍嗚

呼山嶽崩頽既履危亡之運春秋迭代必有去故之悲

天意人事可以悽愴傷心者矣況復舟楫路窮星漢非
乘槎可上風颺道阻蓬萊無可到之期窮者欲達其言
勞者欲歌其事陸士衡聞而撫掌是所甘心張平子見
而陋之固其宜矣

我之掌庾承周以世功而爲族經邦佐漢用論道而當
官稟嵩華之玉石潤河洛之波瀾居負洛而重世邑臨
河而晏安逮永嘉之艱虞始終原之乏主民枕倚於墻
壁路交橫於豺虎值五馬之南奔逢三星之東聚彼凌
江而建國始播遷於吾祖分南陽而賜田裂東嶽而胙
土誅茅宋玉之宅穿徑臨江之府水木交運山川崩竭
家有直道人多全節訓子見於純深事君彰於義烈新
上同之南河南有明書之碣况乃少微真人天山

逸民階庭空谷門巷蒲輪移談講樹就簡書筠降生世
德載誕真臣文詞高於甲觀模楷盛於漳濱嗟有道而
無鳳歎非時而有麟旣姦回之曩匿終不悅於仁人王
子洛濱之歲蘭成射策之年始含香於建禮仍矯翼於
崇賢游存雷之講肆齒明離之胄筵旣傾螽而酌海遂
測管而窺天方塘水白釣渚池圓侍戎韜於武帳聽雅
曲於文絃乃解懸而通籍遂崇文而會武居笠轂而掌
兵出蘭池而典午論兵於江漢之君拭玉於西河之主
于時朝野歡娛池臺鐘鼓里爲冠蓋門成鄒魯連茂死
於海陵跨橫塘於江浦東門則鞭石成橋南極則鑄銅
爲柱橘則園植萬株竹則家封千戶西賁浮王南琛沒
羽吳歛越吟荆艷楚舞草木之遇陽春魚龍之逢風雨

五十年中江表無事王歛爲和親之侯班超爲定遠之使馬武無預於甲兵馮唐不論於將帥豈知山嶽蕭然江湖潛沸漁陽有閭左戍卒離石有將兵都尉天子方刪詩書定禮樂設重雲之講開士林之學談劫燼之灰飛辨常星之夜落地平魚齒城危獸角卧刃斗於滎陽絆龍媒於平樂宰衡以干戈爲兒戲搢紳以清談爲廟畧乘漬水以膠船馭奔駒而朽索小人則將及水火君子則方成猿鶴弊筆不能救鹽池之鹹阿膠不能止黃河之濁旣而魴魚賴尾四郊多壘殿狎江鷗宮鳴野雉湛盧去國餘鯨失水見被髮於伊川知百年爲戎矣彼姦逆之熾盛又遊魂而放命大則有鯨有鯢小則爲梟爲獍負其牛羊之力凶其水草之性非玉燭之能調豈瘡瘖之可正值天下之無爲尚有欲於羈縻飲其琉璃之酒賞其虎豹之皮見胡桐於大夏識鳥卵於條支豺牙密厲虺毒潛吹輕九鼎而欲問聞三川而遂窺如則王子召戎姦臣介冑旣官政而離邊遂師言而泄漏望廷尉之逋囚反淮南之窮寇出狄泉之蒼鳥起橫江之困獸地則石鼓鳴山天則金精動宿比闕龍吟東陵麟鬪爾乃桀黠構扇憑陵畿甸擁狼望於黃圖填廬山於赤縣青袍如草白馬如練天子履端廢朝單于長圍高宴兩觀當戟千門受箭白虹貫日蒼鷹擊殿竟遭夏臺之禍終視堯城之變官守無奔問之人干戚非平戎之戰陶侃空爭米船顧榮虛搖羽扇將軍死緩路絕重圍烽隨星落書逐鳥飛遂乃韓分趙裂鼓卧旗折失群班

馬迷輪亂轍猛士嬰城謀臣卷舌昆陽之戰象走林常山之陣地奔穴五郡則兄弟相悲三州則父子離別護軍慷慨忠能死節二世爲將終於此滅濟陽忠壯身參末將兄弟三人義聲俱唱主辱臣死名有身喪敵人歸元三軍悽愴尚書多美守備是長雲梯可拒地道能防有齊將之閉壁無燕師之卧墻大事去矣人之云亡甲子奮發勇氣咆勃實惣元戎身先士卒胄落魚門兵填馬窟屢犯通中頻遭刮骨功業天枉身名埋沒或以隼翼鷄披虎威狐假沾漬鋒鏑脂膏原野兵弱虜強城孤氣寡聞鶴唳而虛驚聽胡笳而淚下據神亭而亡戟臨漢江而棄馬崩於鉅鹿之沙碎於長平之瓦於是桂林顛覆長洲麋鹿潰貴沸騰茫茫塚黷天地離阻人神慘酷晉鄭靡依魯衛不睦競動天關爭迴地軸探雀鷲而未飽待熊蹯而詎熟乃有車側郭門筋懸廟屋鬼同曹杜之謀人有秦庭之哭爾乃假刻璽於關塞稱使者之酬對逢鄂坂之譏嫌值郿門之征稅乘白馬而不前策青驪而轉礙吹落葉之扁舟飄長風於上游彼鋸牙而鈎爪又巡江而習流排青龍之戰艦鬪飛鷺之船樓張遼臨於赤壁王濬下於巴丘乍風驚而射火或箭重而沉舟未辨聲於黃蓋以先沉於杜侯落帆黃鶴之浦藏船鸚鵡之洲路已分於湘漢星猶看於斗牛若乃陰陵路絕釣臺斜趣望赤岸而沾衣艤烏江而不渡雷池柵浦鵠陵焚戍旅舍無烟巢禽無樹謂荆衡之杞梓庶江漢之可恃淮海維揚三千餘里過漂渚而寄食託蘆中

而渡水屈于七澤濱于十死嗟天保之未定見殷憂之
方始本不達於危行又無情於祿仕謬掌衛於中軍誤
尸承於御史信生世等於龍門辭親同於河洛奉立身
之遺訓受成書之願託昔三世而無慙今七葉而方落
泣風雨於梁山惟枯魚之銜索入欹斜之小徑掩蓬藿
之荒扉就汀洲之杜若待蘆葦之單衣于時西楚霸王
劍及繁陽麾兵金匱校戰玉堂蒼鷹赤雀鐵舳牙檣沉
白馬而誓衆負黃龍而渡江海潮迎艦江萍送王戎車
屯于石城戈船掩于淮泗諸侯則鄭伯前驅盟主則荀
瑩暮至剖巢燻穴奔魑走魅埋長狄於駒門斬蚩尤於
中葦然腹爲燈飲頭爲噐直虹貫壘長星屬地昔之虎
據龍盤加以黃旗紫氣莫不隨狐兔而窟穴與風塵而

殄悴西瞻博望北臨玄圃月榭風臺池平樹古倚弓於

玉女窻扉繫馬於鳳凰樓柱仁壽之鏡徒懸茂陵之書
空聚若夫立德立言謨明寅亮聲超於繫表道高於河
上更不遇於浮丘遂無言於師曠以愛子而托人知西
陵而誰望非無比闕之兵猶有靈臺之伏司徒之表裏
經綸狐偃之惟王實勤橫琯戈而對霸主執金鞭而問
賊臣平吳之功壯於杜元凱王室是賴深於温太真始
則地名全節終則山稱枉人南陽校書去之已遠上蔡
逐獵知之何晚鎮北之負譽矜前風颯凜然水神遭箭
山靈見鞭是以螫熊傷馬浮蛟沒鳶才子併命俱非百
年中宗之夷凶靜亂大雪寃耻去代邸而承基遷唐郊
而纂祀反舊章於司隸歸餘風於正始沉猜則方逞其

欲藏疾則自矜於已天下之事沒焉諸侯之心搖矣既而齊交北絕秦患西起况背闕而懷楚異端委而開吳驅綠林之散卒拒驪山之叛徒營軍梁澆菟乘巴渝問諸淫昏之鬼求諸厭刻之巫荆門遭廩延之戮夏口濫達泉之誅茂因親以教愛忍和樂於彎弧既無謀於肉食非所望於論都未深思於五難先自擅於三端登陽城而避險卧砥柱而求安既言多於忌刻實志勇而刑殘但坐觀於時變本無情於急難地惟黑子城猶彈丸其怨則黷其盟則寒豈寬禽之能塞海非愚叟之可移山况以沴氣朝浮妖精夜殞赤烏則三朝夾日蒼雲則七重圍軫亡吳之歲既窮入郢之年斯盡周令鄭怒楚結秦寬有南風之不競值西隣之責言俄而梯衝亂舞

冀馬雲屯棧秦車於暢轂香漢鼓於雷門下陳倉而連弩渡臨晉而橫船雖復楚有七澤人稱三戶箭不麗於六麋雷無驚於九虎辭洞庭兮落木去洛陽兮極浦熾火兮楚旗貞風兮害蠱乃使玉軸揚灰龍文折柱下江餘成長林故營徒思掛馬之秣未見燒牛之兵章慢支以轂走宮之竒以旗行河無冰而馬度關未曉而雞鳴忠臣解骨君子吞聲章華望祭之所雲夢僞遊之地荒谷縊於莫敖治父囚於群帥劓宰摺拉鷹鷂批攢冤霜夏零憤泉秋沸城崩杞婦之哭竹染湘妃之泪水毒秦涇山高趙陁十里五里長亭短亭饑隨鷺鷥暗逐流螢秦中水黑關上泥青于時尾解冰泮風飛雹散渾然千里淄澗一亂雪暗如沙冰橫似岸逢赴洛之陸機見離

家之王粲莫不聞隴水而掩泣向關山而長歎况復君
在交河妾在清波石望夫而逾遠山望子而逾多才人
之憶代郡公主之去清河柳揚亭有離別之賦臨江王
有愁思之歌別有飄飄武威羈旅金微班超生而望返
温序死而思歸李陵之雙鳧求去蘇武之一鴈空飛若
江陵之中否乃金陵之禍始雖借入之外力實蕭牆之
內起撥亂之主忽焉中興之宗不祀伯兮叔兮同見戮
於猶子荆山鵠飛而玉碎隨岸蛇生而珠死鬼火亂於
平林殤魂遊於新市梁故豐徙楚實秦亡不有所廢其
何以昌有媯之後將育於姜輸我神器居為讓王天地
之大德曰生聖人之大寶曰位用無賴之子弟舉江東
而全棄惜天下之一家遭東南之反氣以鶉首而賜秦
天何為而此醉且夫天道廻旋生民預焉余烈祖於西
晉始流播於東川泊余身而七葉又遭時而北遷提挈
老幼關河累年死生契闊不可問天况復零落將盡靈
光巋然日窮于紀歲將復始逼切危慮端憂暮齒踐長
樂之神臯望宣平之貴里渭水貫於天門驪山廻於地
市幕府大將軍之愛客丞相平津侯之待士見鍾鼎於
金張聞絃歌於許史豈知灞陵夜獵猶是故時將軍咸
陽布衣非獨思歸王子

泣賦

江文通

秋日之光流兮以傷霧離披而殺草風清冷而繞堂視
左右而不瞞具衣冠而自涼默而登高谷坐景山倚桐
栢對石泉直視百里處處秋烟闐寂以思情緒留連江

之未矣蓮欲紅南有喬木葉以窮心蒙蒙兮恍惚魄漫
漫兮西東詠河究之故俗眷徐揚之遺風眷徐揚兮阻
關梁詠河究兮路未央道尺折而寸斷寬十逝而九傷
歛潺湲兮沫袖泣嗚咽兮染裳若夫景公齊山荆卿燕
市孟嘗聞琴馬遷廢史少卿悼躬夷甫傷子皆泣緒如
絲詎能仰視鏡終古而若斯况余葦情之所使哉

哀千里賦

江文通

蕭蕭江陰兮荆山之岑北繞瑯琊碣石南馳九疑桂林
山則異嶺竒峯橫嶼帶江雜樹億尺紅霞萬重水則遠
天相逼浮雲共色云云無底溶溶不測其中險如孟門
豁若長河參差巨石縱橫龜鼉若乃夏后未鑿秦皇未
闢新山石生岸迤邐成迹馳湍走浪漂沙擊石伊孟冬之
初立出首夏以歸來自出國而辭友未懷慕而抱哀窳
終朝以三奪心一夜而九摧徒望悲其何及銘此恨於
黃埃於時鴻鴈既鳴秋光亦窮水黯黯兮蓮葉動山蒼
蒼兮樹色紅思雲車兮沅北望蜺裳兮澧東惜重華之
已沒念芳草之坐空既而悄愴成憂憫默自憐信規行
之未曠知矩步之已難雖河北之爽塏猶橘柚之不遷
及年歲之未晏願匡坐於霸山

傷友人賦

并序

江文通

僕之神交者嘗有陳郡之袁炳焉有逸才有妙賞博學
多聞明敏而識竒異僕以爲天下絕倫黯與秋草同折
今不復見才矣既而陳書有念橫瑟無從雖之張范通
靈之感庶同嵇尚篤徒之哀乃爲辭曰

泫然沾衣兮悲袁友之英秀系神緒而作民胤靈枝而
 啓胄轢四代而武昌泊十葉而克茂友人之生川岫降
 明峻調迥韻惠志聰情倜儻遠度寂寥靈素文攀淵卿
 史類遷固譬如冬雪既潔將以秋月至徹乃上代而少
 雙故叔世而曠絕弔蕙若之暫芳慟琬琰之未闕余既
 好於斯友乃神交於一顧邈疇年之繾綣窈生平之遊
 遇既遊遇兮可尋乃協好兮契心懷愛重於素壁結分
 珍於黃金拾一代而笑淺訪古人而求深故高術而共
 逕豈異袖而同襟爾挂情於霜栢我發意於東桂擘千
 品之消散鏡百侯之哀替帶瑤玉而爭光握隋珠而比
 麗十圖兮炤籍抽經兮閱史共檢兮雜書同拊兮河紀
 既思遊兮百說亦窮精兮萬愛詩文之綺發賞賦艷兮

錦起整古今之寶畫殫竹素之琛竒信朝日之徒吳屬
 夜星之空移覽秋實於西苑摘春華於東池蚤同歲於
 上京未滿年於下國爾湘水兮深沉我前山兮眇默惟
 音華與書酒伊楚越兮南北余結誼兮梁門復從官兮
 朱藩何人遙而困阻而天道之匪存凋碧玉之神樹銷
 紫石之靈根永遠書於江滌結深痛於爾菟兔線昧其
 若絕泣縈盈其若結糸妙嘗之不留悼知音之已逝金
 雖重而見鑄桂徒芳而被折百年一盡兮貴楊麩於後
 烈

論文

禮賦

荀卿

爰有犬物非絲非帛文理成章非日非月為天下明生

者以壽死者以葬城郭以固三軍以強粹而玉駿而伯
無一焉而亡臣愚不識敢請之王王曰此夫文而不采
者與簡然易知而致有理者與君子所敬而小人所不
敬者與性不得則若禽獸性得之則甚雅似者與匹夫
隆之則爲聖人諸侯隆之則一四海者與致明而約甚
順而體請歸之禮

知賦

荀卿

皇天隆物以示下民或厚或薄帝不齊均桀紂以亂湯
武以賢濬濬淑淑皇皇穆穆周流四海曾不崇日君子
以修跡以空室大參乎天精微而無形行義以正事業
以成可以禁暴足窮百姓待之而後寧秦臣愚不識願
問其名曰此夫安寬平而危險隘者邪修潔之爲親而
雜汙之爲狄者邪甚深藏而外敵者邪深禹舜而不能
揜迹者邪行以動靜待之而後寧也天下待之而後平
也明達純粹而無疵也夫是之謂君子之知

太玄賦

楊子雲

觀大易之損益兮覽老氏之倚伏省憂喜之共門兮察
吉凶之同域皦皦著乎日月兮何俗聖之暗燭豈愒寵
以冒灾兮將噬臍之不及若飄風不終朝兮驟雨不終
日雷隆隆而輒息兮火猶熾而速滅自夫物有盛衰兮
况人事之所極奚貪婪於富貴兮迄喪躬而危族豐盈
禍所棲兮名譽怨所集薰以芳而致燒兮膏含肥而見
燐翠羽微而殃身兮蚌含珠而壁裂聖作典以濟時兮
驅蒸民而入田張仁義以爲綱兮懷忠貞以矯俗指尊

選以誘世兮疾身沒而名滅豈若師由明兮執玄靜於
中谷納僞祿於江淮兮揖松喬於華嶽升崑崙以散髮
兮踞弱水以濯足朝發軔於流沙兮夕翱翔乎碣石忽
萬里而一頓兮過列仙以託宿役青要與承戈兮舞馮
夷以作樂聽素女之清聲兮觀宓妃之妙曲茹芝英以
禦餓兮飲玉醴以解渴排閭闔以窺天庭兮騎騏驎以
蚺蝮載羨門與儷游兮求覽周乎八極亂曰甘餌含毒
難數嘗兮麟而可羈近犬羊兮鸞鳳高翔戾青雲兮不
掛網羅固足珍兮斯錯位極離大戮兮屈子慕清葬魚
腹兮伯姬曜名焚厥身兮孤竹二子餓首山兮斷跡屬
婁何足稱兮辟斯數子智若淵兮我異於此執太玄兮
蕩然肆志不拘攣兮

廣文選卷第七終

廣文選卷第八

明通議大夫都察院右副都御史大庾劉節廡

音樂

笛賦

宋玉

余嘗觀於衡山之陽見奇篠異幹罕節間枝之叢生也
其處磅礴千仞絕谿凌阜隆嶠萬丈盤石雙起丹水涌
其左醴泉流其右其陰則積雪凝霜霧露生焉其東則
朱天皓日素朝暘焉其南則盛夏清微春陽榮焉其西
則涼風遊旋吸逮存焉幹枝洞長桀出有良名高師曠
將為陽春北鄙白雪之曲假塗南國至此山望其叢生
見其異形曰命陪乘取其雄焉宋意將送荆卿於易水
之上得其雌焉於是乃使王爾公輸之徒合妙意角較